

Ғам ема



16:59 / 07 июнь 804

Қайтадир Канъонга ул Юсуфи сарсон, ғам ема,

Бир куни ғам кулбаси бўлгай гулистон, ғам ема!

Бўлма бадбин, ғамзада кўнглинг иши ўнглангуси,

Тоабад савдоли бош қолмас паришон, ғам ема!

Бошга тортарсан яна гул пардасин бўстон аро,

Келса умринг кўклами булбули хушхон, ғам ема!

Бу фалак биз истагандек бир нафас айланмади,

Лек мудом бир хилда қолмас чархи гардон, ғам ема!

Ноумид бўлма, илоҳий сирга ақлинг етмаса,

Кўп ўйинлар, билсанг, ул пардада пинҳон, ғам ема!

Гар фано сели ҳаётингнинг асосини йиқар,

Нүх паноҳинг бўлса, келсин, майли, тўфон, ғам ема!

Каъба шавқида биёбонларни қатъ этсанг агар,

Шоҳ-тикон тилса оёқни, айласа қон, ғам ема!

Бизга ёр ҳажри, рақиб озори бас, қисмат эмиш,

Ҳолимиздан боҳабар аслинда Яздан, ғам ема!

Кимки саргардон бўлиб, оламда ғамхўр топмади,

Оқибат бир мөхрибон топгай ул инсон, ғам ема!

Гарчи манзил кўп хатарли, гарчи мақсад ноаён,

Йўқ бирор йўлки, анга йўқ эрса поён, ғам ема!

Бу фақирлик гўшаси, тун хилватида, Ҳофизо,

То ишинг зикру дуо, таҳсили Қуръон, ғам ема!

Ҳофиз Шерозий

«Ҳилол» журнали 12(57) сон